

# KUIPs sedia bantu pelajar UniMAP terjejas kebakaran

Oleh NURUL HIDAYAH HAMID 11 Mei 2024 03:35pm Masa membaca: 4 minit



Dr Muhamad Rozaimi memuat naik hantaran di Facebook pada Sabtu.

ARAU - Kolej Universiti Islam Perlis (KUIPs) menawarkan bantuan kepada pelajar Universiti Malaysia Perlis (UniMAP) yang terjejas akibat kebakaran kawasan parkir asrama lelaki institusi pengajian tinggi (IPT) di Pauh di sini pada Sabtu.

Menurut Rektor KUIPs, Profesor Dr Muhamad Rozaimi Ramle, beliau turut sedih apabila menerima khabar tentang kejadian tersebut.

"Saya baru mendapat berita asrama lelaki di UniMAP Kampus Pauh Putra terbakar awal pagi tadi.

"Sangat sedih dengar berita ini. Saya telah mendapat perkenan Duli Yang Teramat Mulia (DYTM) Tuanku Raja Muda Perlis (Tuanku Syed Faizuddin Putra Jamalullail) untuk menumpangkan pelajar UniMAP yang terjejas akibat kebakaran di asrama KUIPs," katanya menerusi hantaran di Facebook pada Sabtu.

Beliau berharap bantuan dihulurkan KUIPs terbabit dapat membantu ringankan beban mangsa kebakaran.

